



<<Քայլ առ քայլ>> բարեգործական հիմնադրամ

<<Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման>> ծրագիր

### **Հետազոտական աշխատանք**

Թեմա՝ – Մանկավարժական աշխատողի համագործակցությունը սաների ծնողների (նրանց օրինական ներկայացուցիչների) հետ՝ սաների կրթական աշխատանքների կազմակերպման և ընտանեկան դաստիարակության հարցում.

Դասիարակ՝ Անահիտ Հովեյան

Մանկապարտեզ՝ <<Երագանք >> Հ. Ո. Ա. Կ

2023թ.

## Բովանդակություն

Ներածություն.....	2
Տեսական մաս .....	4
Գործնական մաս .....	10
Եզրակացություն .....	14
Գրականության ցանկ-----	15

## Ներածություն

Նախադպրոցական տարիքի երեխաների սոցիալական զարգացման համար գոյություն ունի երկու կարևոր ինստիտուցիոնալ կառույց՝ նախադպրոցական հաստատություն և ընտանիք: Ընտանիքը երեխայի համար հասարակական փորձի աղբյուր է: Հետևաբար անհրաժեշտ է և կարևոր մանկապարտեզի ու ընտանիքի արդյունավետ համագործակցությունը: Երեխաների առողջության պահպանումն անհնար է պատկերացնել առանց ընտանիքի: Ընտանիքում են դրվում երեխայի վաղ զարգացման հիմքերը: Ծնողներն են, որ երեխային առաջին անգամ սովորեցնում են կյանքի այբուբենը: Ձևավորում նրանց աշխարհաընկալումը, բնավորության գծերը:

Կրթության բնագավառում պետական քաղաքականության փոփոխությունը հանգեցնում է երեխայի դաստիարակության գործում ընտանիքի դրական դերի ընդունմանը: Հասարակական նախադպրոցական կրթությունը աջակցում է ընտանիքին՝ իրականացնելու համակարգված երեխայակենտրոն կրթություն: Ընտանեկան միջավայրն առանձնանում է հուզականությամբ և այնպիսի պայմանների առկայությամբ, որոնց շնորհիվ երեխաների մեջ ձևավորում են՝

1. Համապատասխան վերաբերմունք սեփական անձի նկատմամբ.
2. Ինքնագնահատման կարողություն
3. Աշխարհաընկալում
4. Ճիշտ վարվելակերպ

Մանկապարտեզը և ընտանիքը երկու կառույցներ են, որոնք կանգնած են ապագայի ակունքներում և նրանց փոխադարձ կապի հետևանքներկրողը երեխան է: Քիչ չեն դեպքերը երբ ծնողները դաստիարակների կարծիքը չեն կիսում և երբեմն երեխաներին մեղադրում են ծուլության և համառության չլսելու և չհասկանալու մեջ: Կարևոր է, որ մանկապարտեզի և ընտանիքի պահանջները լինեն միասնական դրա համար անհրաժեշտ է՝

1. Աջակցության նպատակով բացահայրել ծնողների կարիքները:

2. Իմանալ մանկավարժների, ծնողների և երեխաների իրավունքները և պարտականությունները:

Ծնողների կրթությունը անհրաժեշտ է մի կողմից երեխայի դաստիարակության բարելավման, մյուս կողմից հասարակության շահերի տեսանկյունից. ծնողների հետ համագործակցությունը վաղ մանկական և նախադպրոցական տարիքի երեխաների կրթական արդյունավետ ծրագրի անհրաժեշտ մասն է կազմում: Ծնողները մշտապես նկարիք ունեն իմանալու մանկապարտեզի տեսակետն իրենց երեխայի մասին:

Մանկապարտեզ-ընտանիք համագործակցության արդյունքում պետք է իրականացվեն հետևյալ խնդիրները .

1. Ապահովել յուրաքանչյուր ծնողի ակտիվ մասնակցությունը մանկապարտեզի մանկավարժական գործընթացին
2. Ճիշտ հաղորդակցվել երեխայի հետ գնահատել նրա ձեռքբերումներն, շտկել թերությունները:

# Տեսական մաս

## Գլուխ 1

Ծնողների հետ կազմակերպվող մանկավարժական աշխատանքի արդյունավետության բարձրացման ձևերը մանկապարտեզում.

Երեխաների կրթության դաստիարակության իրականացման գործում մեծ դեր է կատարում ծնող մանկապարտեզ օղակը: Մանկապարտեզը և ընտանիքը նույն գետի երկու ափերն են: Համագործակցելու համար պետք է կրճատել և միասին հարթեցնել երկուսի միջև ընկած տարածությունը: Հանրահայտ ճշմարտություն է որ երեխաների դաստիարակությունը բարդ, պատասխանատու, շնորհակալ ու հաճելի գործ է որը չի կարելի ամբողջովին թողնել մանկապարտեզի ուղարկողի վրա: Ժամանակակից գիտությունն ընդգծում է ընտանիքի առաջնային դերը երեխայի դաստիարակության գործում: Ընտանիքից է սկսվում բարոյական դաստիարակության նախահիմքերի կառուցումը: Ընտանիքում են դրվում երեխաների բարոյական, գեղագիտական դաստիարակման հիմքերը:

Ընտանիքում են դաստիարակվում երեխաների ինքնասպասարկման ինքնակազմակերպումը, պատասխանատվությունը , հոգատարությունը: Ընտանիքը հասարակության նյութական, հոգևոր, մշակութային այլ արժեքների փոխանցող օղակն է: Մի շարք հետազոտություններ ապացուցում են սոցիալական ոչ մի խումբ չի կարող իրագործել գործառույթների այնհամակարգը, որն իրականացում է ընտանիքի կողմից և ընտանիքի միջոցով:

Ըստ Սքոթ Պեկի անհրաժեշտ է, որ մենք ինքներս սովորենք լինել կարգապահ և նույնը սովորեցնենք երեխաներին: Երեխայի դաստիարակության հարցում մեծ նշանակություն ունեն ծնողների փոխհարաբերությունները երեխաների հետ:

Պետք չէ անընդհատ գովաբանել, խրախուսել և կատարել երեխաների պահանջները: Այդ ամենը պետք է լինի չափավորված ու դուրս չկա անհրաժեշտության սահմաններից:

Կարևոր է նաև երեխայի անհատականության պահպանումը չանտեսելով հասարակական վարքի կանոնները: Երեխայի համար ընտանիքը համարվում է դաստիարակվող միջավայր:

Այն իր հետքն է թողնում երեխայի բնավորության և վարքի ձևավորման վրա: Երեխան ընտանիքում է ստանում աշխարհճանաչման առաջին դասերը և ծանոթանում կյանքի տարրական կանոններին: Ստացած տվյալները աստիճանաբար ընդարձակվում և բարդանում է այն չափով ինչքանով աճում և զարգանում է երեխան: Որոնք են ընտանեկան դաստիարակության առանձնահատկությունները:

Առաջին առանձնահատկությունը վերաբերվում է ընտանեկան դաստիարակության մթնոլորտին: Ընտանեկան դաստիարակությունն ուղեկցվում է ծնողների և ընտանիքի մյուս անդամների սիրով և նվիրվածությամբ, հավատարմությամբ: Ընտանեկան ջերմությունը երջանիկ մանկության ուղեկիցն է, ներդաշնակ կյանք կառուցման երաշխիքը: Երկրորդ առանձնահատկությունը մանկավարժական ներգործության մշտական բնույթն է: Ընտանեկան դաստիարակության կայուն և մշտական բնույթը ներգործում է ինքնադաստիարակության սկզբունքով: Ընտանեկան դաստիարակության հուզական և կայուն բնույթը նպաստում է երեխայի նյարդային համակարգի հավասարակշռությունը, հոգեկան ներդաշնակության հանգիստ և ապահով կենսակերպի հաստատմանը: Ընտանեկան դաստիարակության երրորդ առավելությունը երեխային ընտանեկան լուծմանը լիիրավ մասնակից դարձնելու հնարավորությունն է: Նշված հնարավորությունը երեխային ոգևորում է, և նա ցանկանում է մասնակցելու ընտանիքի բոլոր գործերին: Վաղ տարիքից սկսած երեխան ընտանիքում կարող է ունենալ մշտական պարտականություններ՝ հավաքել խաղալիքները, կատարել մայրիկի, տատիկի խնդրանքը: Իսկ երեք տարեկանից նա ընդունակ է ծաղիկ և ծառ ջրել: Այսպիսով ծնողներն են երեխային դաստիարակող առաջին մանկավարժը ընտանիքի հետ աշխատանքը կառուցելու համար գոյություն ունի մեթոդիկա մի քանի փուլերով .

Առաջին փուլ “Եկե՛ք ծանոթանանք,, ծանոթացում մանկավարժական կոլեկտիվին, կրթական ծրագրի հետ: Այն ծնողների առջև կբացի համագործակցային աշխատանքների հնարավորությունները:

Երկրորդ փուլ “ Եկե՛ք բարեկամանանք,, այս փուլում կարելի է խոսել գործառույթների մասին: Ծնողը տեսնում է թե ինչպես է դաստիարակը ընդունում երեխային, ինչ աշխատանք է տանում մյուս երեխաների հետ: Սա միաժամանակ ն՛ տեղեկատվություն է, ն՛ ուսուցում: Որոշ ծնողներ գերադասում են իրենք զբաղվեն իրենց երեխաների հետ, իսկ մանկապարտեզը դիտարկվում է որպես ընդամենը շփման միջավայր, խաղալու տեղ: Ավանդական ձևերի կողքին գործում է ընտանիքի հետ աշխատանքի ժամանակակից ձևեր: Բերենք մի քանի օրինակներ հիմք ընդունելով նաև <<Քայլ առ քայլ >> ծրագրային որոշ տվյալներ:

1. Առաջին այցը մանկապարտեզ .  
մինչև երեխայի հաճախելը ծնողները ծանոթանում են մանկապարտեզի հետ .
2. Կողմնորոշման հանդիպումներ  
ծնողը ծանոթանում է դաստիարակի և այլ ծնողների . երեխաների հետ .
3. Այցելություններ երեխաների տուն .  
դաստիարակը կարող է այցելել, որպեսզի տեսնի երեխայի ընտանեկան միջավայրը .
4. Ե՞րբ երեխային բերել մանկապարտեզ և երբ տանել:  
Օրվա կարգացուցակը մշակել, որ հնարավոր լինի շփվել ընտանիքի հետ՝ օգտագործելով առավոտյան “ բարի գալուստի և տուն գնալու պահերը ,,:
5. Հեռախոսային զանգեր

Հեռախոսային զանգերը լինում են հատուկ դեպքերում: Երեխայի լիարժեք զարգացումը դժվար է պատկերացնել առանց ծնողների մասնակցության: Դա ամենօրյա ջանք է պահանջում, որը պետք է կատարվի սիրով և հաճույքով քանզի այն արվում է հանուն երեխայի և երեխայի համար, նպաստելու է երեխայի առողջությանը և համակողմանի զարգացմանը: Շատ կարևոր է, որ մանկավաները կարողանան մեթոդապես ճիշդ կատարել երեխայի տնից մանկապարտեզ, խմբից խումբ տեղափոխությունները և այդ ուղղությամբ հատուկ աշխատանք ծնողների և երեխաների հետ:

Ընտանեկան դաստիարակությունը կարող է նպաստել երեխայի մոտ ձեռներեցության, տնտեսավարության, հաշվենկատության, անկախության և երեխայի արագ աճին:

Ընտանիքի անդամները պետք է.

1. Ժամանակ հատկացնեն իրենց երեխային իսկապես ուշադիր լինելու, նայելու համար, նկատեն հիվանդությունը, խնամքի պակասը:
2. Ավելի շատ ժամանակ անցկացնեն լսելով երեխաներին:

Աշխատենաշխարհին նայել երեխայի աչքերով աշնանային տերևների մեջ թավալ գալ և հիանալ առաջին ձյունով:

Օրը ճիշտ սկսել, լավ նախաճաշել, չմոռանալ հրաժեշտ տալ:

Համբուրել երեխային, գրկել նրան սեղմել ձեռքը և ասել, որ սիրում եք նրան: Դաստիարակի աշխատանքը ընտանիքի հետ ամենադժվարն է, բայց ամենաանհրաժեշտը : Այս աշխատանքը երեխայի նկատմամբ անհատական մոտեցման անբաժան գործն է, յուրահատուկ օգնություն, միաժամանակ, ոչ ցանկալի որակների կանխում: Մանկապարտեզը պետք է ստեղծի միջավայր երեխայի ճիշտ զարգացման, ստանձնի խաղընկերոջ դերը: Երեխայի զարգացման բոլոր ոլորտներում ֆիզիկական, սոցիալական, իմացական փոխկապակցվածությունն է: Երեխան պետք է հաճախի մանկապարտեզ, քանի որ այն մեծ դեր ունի երեխայի սոցիալիզացման գործում: Հայտնվելով մանկապարտեզում, երեխան շփվելու նոր հատկություն է ձեռք բերում, նրա էմոցիոնալ դաշտում տեղի է ունենում փոփոխություն, նրա դաշտում հինը փոխարինվում են նրերով: Երեխայի համար մանկապարտեզում սահմանվում է հատուկ օրակարգ, փոքրիկը զբոսնում է, խաղում է, սնվում օրվա հստակ ժամերին, ստանում է իր առաջադրանքները, որոնք փորձում է կատարել ճշտությամբ:

Նման պարզ խնդիրները երեխաների մոտ զարգանում են պատասխանատվության և ինքնուրույնություն . Մանկապարտեզ հաշախելիս զարգանում են երեխայի`

1. Սոցիալական հմտությունները
2. Թիմում աշխատելու հմտությունները
3. Խոսքային հմտությունները
4. Հուզական աշխարհը



5. Երեխան սովորում է հարգել դիմացինին
6. Ձեռք է բերում նոր ընկերներ
7. Լայնանում է աշխարհայացքը

Մանկապարտեզը հսկում է երեխայի սահմանված օրվա ռեժիմը: Մանկապարտեզից հետո երեխան ավելի արագ է հարմարվում դպրոցին: Տնօրինությունը դաստիարակի հետ համատեղ մշակում է նախագիծ ընտանիքի հետ աշխատելու համար :

Ընտանիքները տարբեր են իրենց բնույթով, կազմով և գործունեությամբ երբեմն երեխայի ծնողների բացի դաստիարակը գործ է ունենում սաների ծնողների փոխարեն նրանց օրինական ներկայացուցիչների հետ: Ընտանիք-մանկապարտեզդրական համագործակցությունը երեխաների շուրջ ստեղծում է մի միջավայր, որտեղ նրանք աշխատում են երեխայի զարգացմանն ու դաստիարակությանն ուղղված ընդհանուր նպատակներին հասնելու համար: Երեծայի մասին տեղեկության փոխանակումից շահում է, թե՛ ծնողը, թե՛ մանկավարժը: Ծնողները կարող են մանկապարտեզին աջակցել կոնկրետ նախաձեռնություններում

Մանկապարտեզում գործում է առաջարկությունների արկղիկ,որը ամրացվում է մանկապարտեզի միջանցքի պատերին ,ծնողները կարող են արտահայտել իրենց մտահոգությունները ,առաջարկությունները և զգեն արկղի մեջ:Արկղը բացվում է ժողովի ժամանակ և քննարկվում է դրա մեջ հավաքված հարցերը: Կարևոր է նաև պատի տեղեկատվական թերթերը ,որի միջոցով ազդարարվում են ժողովներ ,մանկապարտեզում անցկացվող բոլոր միջոցառումները :Մանկապարտեզ-ընտանիք կապը հիմնվելու է փոխադարձ վստահության վրա ,ծնողների հետ աշխատանքի ձևերն են `անհատական,կոլեկտիվ և տեսողա-դիտողական :Անհատական աշխատանքը ունի իր առավելությունները ,շփվում յուրաքանչյուր երեխայի ծնողի հետ,ավելի մոտիկից ծանոթանում երեխայի ընտանիքի հետ:Ավանդույթ պետք է դարձնել ծնողների ,երեխաների,մանկավարժական անձնակազմի մասնակցությամբ .<<Եկե՛ք ծանոթանանք>>,<<Ճանաչե՛նք մեր երեխաներին>> և այլ թեմաներով կազմակերպվող միջոցառումների:Մանկապարտեզը կարող է ստեղծել գրքերի,հոդվածների համատեղ ընթերցանություն դիտել և պատմել նկարներ,պատմել հեքիաթներ:

Երեխաների դաստիարակությամբ զբաղվող բոլոր անձերի կողմից կիրառվող դաստարակության մեթոդների միասնությունը և կայունությունը հանդիսանում է դաստիարակության կարևոր պայմանը: Երեխաների հետ պետք է վարվել հանգիստ, սիրալիք, հանդարտ: Փոքր երեխան շատ-շատ է հուզվում, դրա համար նրա հետ շփվելիս չի կարելի խոսել բարձրաձայն, բղավելով կտրուկ և կոպիտ շարժումներ կատարել: Երեխաները շատ շուտ են ներշնչվում նրանց և փոխանցվում շրջապատող մարդկանց տրամադրությունը: Անհրաժեշտ է երեխաներին սովորեցնել հանգիստ կատարել մեծահասակների պահանջները: Ինչպես մանկապարտեզում, այնպես էլ տանը պետք է աշխատել, որ տրված հանձնարարությունը կատարել մինչև վերջ: Մեծերի կողմից երեխաներին ներկայացվող պայմանները պետք է լինեն երեխայի ուժերին համապատասխան և հիմնավորված: Երեխայի դաստիարակության գործում անհրաժեշտ է օգտագործել ընդօրինակման մեծերին, ամրապնդեն դրականը, ոչ թե բացասականը: Մեծահասակների վարքը պետք է օրինակ ծառայի երեխաների համար: Երեխաների բազմակողմանի զարգացման մեծ հնարավորությամբ է օժտված նախակրթարանը, որը վաղ հասակից զարգացնում է երեխաների մեջ ակտիվություն, կոլեկտիվիզմ և առաջին հակումները շրջապատում երեխաների հետ մտերմանալու հնարավորություն: Նախադպրոցական տարիքում դաստիարակությունը նախակրթարանի կոլեկտիվում պետք է այնպես կազմակերպել, որ ձևավորվի երեխայի անհատականությունը, իր անձնական հնարավորության վրա: Հենց այս էլ նկատի ունենալով ամենօրյա պարապմունքները, խաղային պրոցեսները, աշխատանքի այնպես է պետք կազմակերպել, որ աճի երեխայի հետաքրքրությունը մանկապարտեզի նկատմամբ ունենա խիստ նպատակային բնույթ: Երեխաների ուսուցման և բազմակողմանի դաստիարակության համար, ամենից առաջ հարկավոր է ճանաչել, պարզել ոչ միայն նրանց հոգեֆիզիկական զարգացման առանձնահատկություն, այլ այն թե ինչպիսի միջավայրից է եկել երեխան, ինչպիսին է նրա ընտանիքը, իր վարք ու բարքով: Կարճ ժամանակ անց մենք արդեն գիտենք թե մանկապարտեզի որ երեխան ինչպիսի պայմաններում է ապրում ծնողը որտեղ է աշխատում, ինչ մասնագիտություն ունի և ինչով կարող է օգնել մանկապարտեզում: Դաստիարակության առաջին օղակը, ուստի մանկապարտեզը երեխային լիարժեք ու բազմակողմանի դաստիարակություն տալու համար, սերտորեն պետք է համագործակցի ընտանիքի հետ:

Ընտանիքից գալիս է երեխան իր հետ բերելով,անձանոթ մի աշխարհ,որի խորքերը պետք է թափանցի յուրաքանչյուր դաստիարակ:Ինչպես ծնողների կոլեկտիվի,այնպես էլ առանձին ծնողների հետ աշխատանքը կունենա արդյունք,եթե լավ ենք տիրապետում ընտանեկան դաստարակության առանձնահատկությունների: Դրական արդյունք կսատանք այն ժամանակ, երբ ծնողների և դաստիարակների միջև կա համատեղ աշխատանք և միասնական պահանջ երեխաների նկատմամբ: Այն ծնողները, ովքեր չունեն մանկավարժական կրթություն, անհրաժեշտ է տալ որոշակի գիտելիքներ տարիքային և անհատական առանձնահատկությունների մասին, ինչը հնարավորություն կտա երեխաների մեջ տեսնել և՛ դրականը, և՛ բացասականը, և վերլուծել նրանց արարքները:

Ընտանիքի և մանկապարտեզի կապը երեխաների նկատմամբ անհատական մոտեցումը կարևոր նախապայմաններից մեկն է: Դրա իրականացումը պահանջում է խոր գիտելիքներ, հաղորդակցական կարողություններ, հմտություններ և այլն:

## **Գործնական մաս**

### **Գլուխ II**

Տարիների աշխատանքային փորձը ցույց է տալիս,որ հիմա ծնողները ավելի շատ են ներգրավվում մանկապարտեզում կազմակերպվող միջոցառումներին.քանի որ նոր մոտեցումներ և ուղիներ են ցուցաբերվում դաստիարակների կողմից: Ծնողները հաճախ են ներկա գտնվում մանկապարտեզում անցկացվող միջոցառումներին, ունենք ծնողական անկյուն,առաջարկությունների տուփ,որտեղ ծնողները անանուն նամակներ են գցում և դրանք քննարկվում են ծնողական ժողովներում ծնողները երբեմն դիմում են դաստիարակներին, ինչպես վերացնել երեխային կամակորությունը,ագրեսիվությունը. դաստիարակը տրամադրում է համապատասխան գրականություն:

Հարցաթերթիկներում նշվում են հարցեր, որոնք վերաբերվում են դաստիարակությանը, կրթությանը, վստահությանը, ազնվությանը, երեխաների հետ ունեցող փոխհարաբերություններին:

Մանկապարտեզ-ընտանիք կապը հիմնվելու է փոխադարձ վստահության վրա, ծնողներին ուշադիր լսելով կարելի է արժեքավոր տեղեկություններ ստանալ և փոխօգնության բաց հարաբերություններ հաստատել:

Երկկողմանի հաղորդակցության կանոնավոր հնարավորությունների միջոցով ծնողները և դաստիարակները սերտորեն համագործակցում են ՝ ի շահ երեխայի բնականոն զարգացմանը: Անհրաժեշտ է երեխաներին սովորեցնել հանգիստ կատարել մեծահասակների պահանջները: Մեծահասակների վարքը պետք է օրինակ ծառայի երեխաների համար: Եվ այդ բազմակողմանի զարգացման մեծ հնարավորությամբ է օժտված մանկապարտեզը: Անցկացվող ծնողական ժողովներից մեկում ծնողները ցանկացան մասնակից լինել խմբում անցկացվող խոսքի զարգացման պարապմունքին: Միրով համաձայնեցի և ես ընտրեցի ռուսական ժողովրդական հեքիաթ <<Պապն ու շաղգամը>>

Թեմա-Համագործակցություն

Տեսակը-

Հեքիաթի ընթերցում ՝ <<Պապն ու շաղգամը>>

Նպատակը-

Զարգացնել գեղարվեստական ստեղծագործությունը լսելու, գնահատելու, հարցերին պատասխանելու կարողությունը,կապակցված խոսքը, հարստացնել բառապաշարը ՝ շաղգամ համագործակցել բառերով:

Նախապատրաստական մաս

Զրուցել փոխօգնության ,համագործակցության մասին:

## Խթանման փուլ

Փորձեցի մենակ տեղափոխել խմբասենյակի մանկական սեղաններից մեկը, ձևացրեցի,



որ շատ դժվար է չեմ կարողանում, ծնողներից մեկին խնդրեցի, որ շատ ծանր է, հետո խնդրեցի միանալ երկրորդ ծնողին հետո՝ երրորդին հետո միասին բռնելով սեղանի 4 կողմից հեշտությամբ կարողացանք սեղանը տեղափոխել: Ամփոփենք կատարածը .

Մենակ դժվար էր, քանի որ սեղանը ծանր էր: Իսկ երբ օգնության հասան ընկերները, սեղանը կարողացանք տեղափոխել: Աշխատեցինք համագործակցված:

## Իմաստի ընկալման փուլ

Ընթերցել <<Պապն ու շաղգամը>> ռուսական ժողովրդական հեքիաթը: Իրավիճակը ներկայացնող ամփոփ մտքին զուգահեռ դիտել հեքիաթը ներկայացնող համապատասխան նկարը .

Առաջարկել հարցեր .

-Ի՞նչ էր ցանել պապը .

-Ինչու՞ պապը շաղգամը հողից մենակ չկարողացավ հանել

- Ում օգնության կանչեց պապը:
- Ու՞մ օգնության կանչեց տատը:
- Ու՞մ օգնության կանչեց թոռնիկը:
- Ու՞մ օգնության կանչեց շնիկը:
- Ու՞մ օգնության կանչեց փիսիկը:
- Ովքե՞ր օգնեցին պապին:
- Ինչի՞ մասին էր հեքիաթը: (օգնության, համագործակցության, համերաշխության)

## **Կշռադաստման փուլ**

Ներկայացնենք ասացվածքներ

1. Ձեռքը ձեռք կլվա, երկու ձեռքը երես:
2. Մեկ ձեռքը, ծափ չի տա:

Հեքիաթը լսելուց, ամփոփելուց հետո առաջարկեցի ծնողներին միասին բեմականացնել հեքիաթը: Ծնողները համաձայնեցին և միասին կատարեցինք դերաբաշխում: Հեղինակի դերը ստանձնեցի ես: Բեմականացումը ուրախություն պարզևեց բոլորին: Իսկ երեխաներին առաջարկեցի հաջորդ օրը, օրվա II կեսին բեմականացմանը մասնակից դարձնել իրենց: Պարապմունքը անցավ հետաքրքիր ծնողները նշեցին ,որ իրենք ավելի լավ ճանաչեցին միմյանց և դաստիարակներին: Ցանկացան, որ նման ծրագրերը լինեն շարունակական և պարբերաբար, քանի որ ձեռք են բերում նոր հմտություններ և րրենց ներկայությունից ոգևորվում են նաև երեխաները:

## Եզրակացություն

Ինչքանով է իմ ընտրած թեման կարևոր ինձ համար: Թեման հոգեհարազատ է: Երկար տարիներ աշխատել եմ ծնողների հետ համագործակցված ձևով. ծնողները պետք է ներգավվեն մանկապարտեզի ամենօրյա կյանքին, ծնողը պետք է մասնակից լինի մանկապարտեզում կազմակերպված միջոցառումներին, սպորտլանդիաներին: Այս ուղղությամբ արդյունքները երևում են ծնողների ոգևորվածությամբ, համախմբվածությամբ, վստահությամբ: Յուրաքանչյուր երեխա եզակի է և ունի իր սեփական ուսումնական կարիքները: Յուրաքանչյուր երեխա ունի իր ընկալման մեթոդները: Պետք է ստեղծենք ընկալման տարբեր պայմաններ: Կրթենք, դաստիարակենք մեր սերունդներին, որոնք մեր ազգի գոյապահպանման հիմքն են:

Նախադպրոցական տարիքի երեխաների հասարակական և ընտանեկան դաստիարակությունը կապված է միմյանց հետ: Ընտանիքի և մանկապարտեզի առջև ծառայած են համագործակցված խնդիրներ: Նախադպրոցական երեխայի դաստիարակումը պետք է գուցակցվի մանկապարտեզի և ընտանեկան համագործակցության ձևավորման հետ: Դաստիարակը պետք է օգնի ընտանիքին՝ երեխաներին ճիշտ դաստիարակելու գործում: Մանկապարտեզ ընտանիք կապը հիմնվելու է փոխադարձ վստահության վրա:

Արդյունավետ հաղորդակցությունը բազմապատկում է այն:

## Գրականության ցանկ

- 1.<<Նախադպրոցական մանկավարժություն>> Մարության Ս. Ա., Դավլաքյան Ա.Մ.,  
Երևան , 2008թ.
- 2.<<Ուսումնական ձեռնարկ մանկապարտեզի համար>>, Միտոյան Հ., Սմբատյան Լ. ,  
Երևան, 2010թ.
3. Դաստիարակենք միասին, հեղինակ՝ Ասյա Հովհաննիսյան 2014թ
- 4.<<Նախաշավիղ>>, 1.2013
- 5.<<Նախաշավիղ>>, 4.2012